

終

趙氏石井村王庭祥妻年二十七夫亡撫兩孤子成人孝慈勤儉嚴守閨範壽七十歲而歿

萬氏石井村范崇功妻年二十七歲夫亡子又亡艱苦萬狀心如鐵石壽七十三歲終

王氏何家庄王元慶妻年二十五夫亡子僅六歲撫孤成人性勤儉慈惠遇荒年食菜咽糠不二其心有男孫五人教以耕讀里人咸稱之壽七十有六

吳氏何家庄王元廣妻年二十三歲夫亡子數歲氏矢志堅貞持家業不墜教子讀書力田一生苦操無有瑕玷年八十歲而終

潘氏何家庄邵登明之妻也年二十七夫亡撫子成人娶婦得孫僅三日婦又亡氏復撫孫成立壽八十二而終

馬氏高庄葛長所妻年二十六夫亡無子氏守從一之義勤儉支家七十三歲而歿

張氏水磨頭張振江妻年二十五夫亡撫四子成人堅持苦操至老不渝年八十餘歲而終

王氏歸雷家寨雷生才年二十七夫亡無子兄弟無依鄰人有勸再醮者氏堅志不從苦節以終壽六十餘歲卒

王氏東園庄王宗初妻年二十夫亡矢志不二撫子三人皆成立壽七十餘歲終

張氏焦家庄焦涉雲妻年二十七夫亡守志撫子成人行誼清潔壽七十餘歲而終

曹氏龍西灘王仁妻年二十二夫亡撫孤成人冰霜其操壽七十歲終

曹氏龍家寨蕭某妻年十八歲夫死無子氏守從一之義誓死不渝壽七十餘歲而終今匾額猶在

李氏全家庄周義成妻年二十二歲夫亡守志不移性慈惠好施予鄉人稱之無子撫姪為嗣壽七十餘歲終

萬氏東澇裕口劉文友妻年二十五夫亡撫孤彥芳成人彥芳好學精醫術氏享壽

七十三歲終

齊氏石井村東堡方某之妻夫亡氏年二十八歲撫養三女出嫁後零丁孤苦操志益堅壽七十四卒

劉氏維什堡王國正妻性貞潔青年喪偶守從一之義至死不渝有勸旌節孝碑

吳氏穆家庄高建堂之妻青年守節子生六十九日夫亡嚴守從一之義撫孤成人七十三歲以壽終

張氏呂公寨單建璋之妻年二十而寡勤儉慈惠視姪如子諸姪皆依氏撫育成人以兄子尊賢為嗣清操勁節至老彌堅年五十餘歲而終

單氏呂公寨劉天一妻年二十八夫亡二子從祿從福俱幼一貧如洗氏忍飢勵節辛若異常卒能撫二子成立有田半頃諸孫皆讀書識字壽七十餘卒

王氏呂公寨賈文通妻年二十五夫亡二子俱幼氏撫育成人艱苦備嘗壽七十餘歲卒

楊氏麥張寨朱偽妻青年喪偶守志不移淑德懿行堪為婦女矜式村東南建有勸旌節孝碑

楊氏陳兵坊李貞之妻年二十餘喪偶子僅數歲家貧甚氏織紉度日撫子成立有田六十餘畝後子任羅什操總約秉公持正人以爲氏之教也壽八十歲終

劉氏崔村楊士爲妻士爲經商扶風客死氏年十九歲舅姑早沒家貧子幼含痛茹苦十餘年始挾父撫子扶櫬歸葬鄉里以巾幗丈夫稱之生平挑菜爲食拾草爲薪紡績度日人不堪其苦而氏處之晏然至死不渝卒年六十歲

萬氏李伯南村屈敏行妻年二十而敏行死子作耕甫數歲氏督耕課子家業較前更裕光緒十八年感黨贈以金圍令範區額學使葛又以苦節可貞旌之後作耕年近四旬因獲竊伐墳柏之盜反爲所戕氏痛憤鳴官論抵其時孫士奇方五歲

稍長即教之讀後士奇畢業於陸軍小學甫生子雲而士奇又亡三世孤苦氏一身經之年八十三歲終

鄒縣縣志 卷六 列女 節婦 四三

劉氏北郭村羅福佑妻年二十二而夫亡子文錦甫二歲氏事姑孝理家勤及文錦稍長即命之讀嚴加督責不為姑息故文錦得早入邑庠氏以壽終

蕭氏北郭村羅久之妻生員文錦之祖母也年二十六而寡房一椽地八分母家勸之嫁氏誓志撫孤紡績度日厥後諸子成立而家道昌長福浩太學生次福佑三騰得武生例授武信佐郎時人以爲苦節之報

萬氏西郭村魯魁妻生員志仁之母年二十三而魁死適回匪之變氏挈子攜姪匍匐縣城口食賑粥少許困苦不堪言狀迨亂定一貧如洗買布度日撫二姪如已出教子讀書得入邑庠年六十二終

王氏澤露李生玉妻年二十九而寡獨無依遺兩弱女地二畝房一間雖飢餓不乞憐於人確守婦道無故足不出門母家及鄉鄰咸勸之嫁氏曰我生爲李氏婦死爲李氏鬼自始至終以紡績爲生活之計宣統三年年八十二歲卒

方氏石井村譚某之妻也年二十二夫亡撫一孤子成立茹苦食淡壽八十餘卒

鄆縣縣志

卷六

列女 節婦

四四一

陳氏真花街吳汝杰之妻年二十七夫死二子均幼有以家貧勸氏再嫁者氏誓死不二以織紡爲業撫子成立奈一生苦命至七十二歲而二子皆喪竟以丐終卒年七旬有四

王氏魯家寨楊大成妻年十七于歸僅二載而夫亡家貧如洗負債累累遺腹子一紡績度日杜門不出賣布以清結債務事姑教子守貞四十餘年年六十餘卒段氏程家灣程某之妻年十七于歸甫十九而寡居無子女子然一身惟夙夜織紡

縫紉以爲生境遇雖艱節操愈嚴年七十餘終
薄氏留南村劉穩妻年二十七夫亡姑老子幼田數畝困苦難堪或勸再醮氏曰余寧死不失身於人藉十指力以孝親撫孤子興利已娶妻生子矣未幾媳亡氏又撫孫備極苦楚雖飲冰茹蘗歷數十寒暑而志不少懈劉氏之祀賴以弗墜者氏之力也後家計漸優孫又生子享年七十歲卒

姚氏定舟村李某妻早寡遺一女歲一破屋家無儋石日夜紡績備嘗艱苦迨女出

嫁家亦甚貧氏與女更相爲命清貧徹骨而能白首完貞真巾幗中之鐵漢者後七十餘歲無疾而終

袁氏大王鎮生員姚世玉妻年二十四世玉死於回難氏矢志堅貞義不再醮堂弟二人以氏年少勸之嫁不許茹苦含辛撫堂姪伯仲如已出至於成立後伯仲勤儉家亦小康氏年六十三歲卒

沈氏梧桐村山鳳連妻年二十九夫亡氏撫養三子日夜紡績志不少渝四十年殆如一日卒年七十有三

王氏梧桐村韓必虎妻年二十生一子夫爲回匪所傷零丁孤苦燈無所依至爲備作藉給饘饘苦節數十年人無間言卒年七旬有三

陳氏梧桐村吳順妻二十八歲夫亡遺一幼子貧無立錫氏爲人縫紉紡績以糊其口卒能教養幼子成家立業苦節四十五年壽七十三終

鄆縣縣志

卷六

列女 節婦

四五二

楊氏崔村萬志德妻年二十三孀居子方七歲家貧如洗弟某屢逼之嫁氏正色拒之日夜紡績志不少移者歷四十餘年後孫曾繞膝家道小康人咸以爲苦節之報云

申氏梧桐村杜林妻年二十而林爲回匪所戕氏攜子播遷拮据南走艱苦備嘗不可言狀卒能撫子成立苦節歷五十餘年六十九歲終

張氏梧桐村劉成穩妻年二十而成穩亡家徒四壁氏志堅金石紡績糊口後養甥以延宗祀歷二十餘載人無異言

馮氏梧桐村山定娃妻年十七于歸未週歲而夫亡事祖姑暨其姑克盡孝道後祖姑年近期頹而卒氏與其姑相依爲命紡績度日備歷艱苦姑八十餘卒氏年六旬餘終

段氏均河村趙恆貴妻年二十七而恆貴歿子幼家貧氏以紡織代耕供其衣食雖境極困而心愈堅年六十二卒

楊氏元村李克讓妻年二十二生一子夫被回匪所傷氏矢志靡他顛連困苦計五

十餘年七十三歲終

王氏東牙道孫文義妻年二十七夫亡無子薄田數畝誓不改適撫一螟蛉又亡零

丁孤苦守節五十年七十餘歲終

閻氏西牙道張儒儒妻年二十七夫亡一子方六歲堂有翁姑氏事之能盡其孝

撫子成立七十歲卒

楊氏西牙道張學滿妻年二十六夫亡家貧一子尚幼氏紡績勤勞皆為他人作

嫁衣裳養子成家孫曾衍衍七十六歲終

宋氏康王村北堡張茂順妻年二十一夫逝無子翁姑俱邁氏立志守貞凡晨昏之

奉皆賴十指以給卒能隨養二親皆八十餘歲終後取女弟之子以延宗祀計苦

節五十餘載壽七十六歲卒

吳氏龍台坊陳振壁妻年二十而振壁歿無子僅有二女氏金石其心至老不易年

六十五歲卒

鄆縣縣志

列女 節婦

四六一

李氏龍台坊生員陳振瑛妻年十八夫亡無子家式微氏守從一之義以紡績縫紉

佐饗殯飲冰茹荼苦節四十餘年卒年六十歲

郭氏興仁堡楊永登妻年十七于歸越四載夫亡子樹椿未二歲上有老翁氏矢不

再醮惟思竭力事親紡績不懈久之家漸小康子已成立三孫繞膝計四十餘年

從未輕出門戶卒年六十四歲

夏氏定丹村生員楊士俊妻年二十三士俊為髮逆捕去生遺腹子朝謹家極貧藉

紡績以養生其父無子歿於新縣氏借娘屋堂弟搬柩還家跋涉數千里來往幾

一年歷盡險阻艱難卒能歸其父骨此在男子猶難而氏能之詎非庸中佼佼者

乎晚年係曾衍衍家計亦裕年七十五歲終

邢氏兆倫村毛庭生妻庭生死氏年二十四遺二子尚幼薄田數畝日織夜紡以為

生活淡泊自甘養二子以至成立雖時值困厄而數十年處之如一卒年六十歲

維氏定丹村趙大順妻年二十餘翁姑俱逝無子女夫病革時語氏曰汝守我心慰

汝嫁我心戚汝在猶我在也夫歿家貧如洗無立錫地勤於紡績日夜拮据後取

姪為嗣日用稍給晚年長齋茹素猶蠶布以易香燭卒年六十餘歲

安氏祁村全懷行妻年十七于歸閨四載夫亡生子建利甫一歲家徒四壁夫於彌

留之際喃喃謂氏曰家貧子幼汝宜再嫁氏泣而矢以天日夫歿後日夜辛勤以

紡績易鹽米鄰婦見其貧其勤之再醮氏志愈堅勤益力且令其子讀書現時孫

已成立家亦小康壽七十五歲終

余氏化東堡崔致和妻年二十四夫死生遺腹子江海孤苦自持紡績度日守節三

十五年子亡媳死嗣又撫孫年六十餘卒

人咸稱揚之

溫氏許振吉妻年十九于歸夫出外多年回家未幾卒無子氏奉姑孝取外甥為嗣

姑亡家益貧氏且耕且織撫嗣子成立後又生孫許氏之門賴以不墜

鄆縣縣志

列女 節婦

四七一

于氏朱祥仁妻年十七于歸僅年餘祥仁出外不知所終氏與寡嫂楊氏同居事之

如母未幾髮匪亂攜姪逃難山中艱苦備嘗堂弟寬仁為請封贈堅碑卒年八十

有五

雷氏朱大倉妻年二十四夫亡子長林僅四歲薄田五畝而外債數百氏堅承夫志

情甘守節卒能撫長林以成立年七十三終

宋氏李遇文妻年二十四夫亡撫幼子守貞孤苦不堪卒年八十四歲

劉氏辛家庄段震娃妻年二十餘夫死姑老子幼薄田十餘畝氏能養姑以終撫子

成立卒年四十餘歲其節孝村人今猶稱之

黃氏沙河寨王茂林妻年二十歲夫亡子義祥生甫四月有田二十餘畝族人逼氏

再醮氏矢志益堅艱苦自勵後教子力農成家增田百餘畝歲六十餘終

魏氏北焦陽村生員杭中之妻青年守寡僅田十餘畝無子有兩女回亂攜女潛逃

冰操凜凜兩女後皆妻以儒生氏臨終時將所遺產業盡與其姪婦節賢名有口

皆碑

裴氏南龐村賀志瑞妻年十七于歸越十八日志瑞貿易口外一往無踪氏矢志守

貞始終不渝者五十餘年卒年七十有六

韓氏李吉春妻年二十二夫亡乏嗣翁姑垂暮氏爲夫立嗣子兆祿事親終養當七

旬有九時西安府儒學張給有節孝可風額

馮氏秦渡鎮薛生蘭之妻歸薛氏生二男一女未及十年而生蘭卒二男亦相繼夭

殤氏年二十六歲茹苦含辛又遭繼姑日夜詬罵躬操井臼復備鍼指以孝養如

是者三十一年卒年五十有七

鄭氏渭曲坊王新貴妻年二十二寡居撫子成人業學使以矢志堅貞匾額旌之

李氏 解 張氏 張氏 武氏 山氏 楊氏 王氏 上俱

乾隆年旌李氏 石氏 萬氏 王氏 孫氏 萬氏 王氏

張氏 王氏 鄭氏 劉氏 賀氏 馮氏 劉氏

賀氏 閻氏 楊氏 馬氏 郭氏 劉氏 劉氏 馮氏

劉氏 孫氏 侯氏 范氏 王氏 王氏 朱氏 萬氏

劉氏 張氏 韓氏 耿氏 董氏 張氏 吳氏

朱氏 楊氏 張氏 陳氏 曹氏 鄭氏 陳氏

上俱道光旌吳氏 常氏 南氏 李氏 南氏 閻氏

夏氏 趙氏 上俱光緒旌

以上有傳者貞女二人節婦二百一十四人無傳者節婦五十八人共二百七十

二人係陝西此次續脩通志鄠探訪局所採訪截止清末者

民國

鄧氏什王村農家女年十七適定舟村楊本俊年二十生子在襁褓夫爲仇家所殺

氏抱子往母家同其母詣縣訴宰令仇家與氏持錢數百緡息事氏弗受宰怒以

鬪殺斷欲殺人者不至死氏復抱子同母詣省鳴冤時久雨連綿往返泥水中數

十日艱苦萬狀百折不回卒至大宛昭雪仇人論抵然數十畝田產已費罄矣氏

紡績度日供子讀與子娶及孫向榮甫生而子又亡氏撫遺孫歷盡坎坷幸向榮

長能賢奮志耕讀又由高小畢業後即經理家務現時家道小康氏曾孫繞膝年

九十有三尚存

董氏生員董殿英之妹呂懷堂之妻生員呂慶吉之母懷堂歿時氏年二十九歲子

慶吉尚在襁褓比長氏課之讀取紡績資爲日用費人稱其持家教子均可爲法

學使匾其門曰堅守雅操迨民國三年慶吉死於白匪之難復與寡媳撫養遺孫

廷杰使肄業學校後廷杰充縣教育局長又歷充省中學教員氏年屆九十尚存

陶氏許村史振江妻振江死氏年二十餘老姑在堂二子俱幼家貧甚氏矢志堅貞

凡事蓄之資皆自十指中出後二子成立家亦稍給計苦節五十餘年民國十九

年氏年七十有三卒

屈氏東羊村牛廷仲妻年二十一生子瑞霖甫三月廷仲死其姑哀痛喪明後又得

鄠縣縣志 卷六 列女 節婦 四九一

癱瘓病常臥床褥氏日夜扶持委曲奉事不離於側者殆十餘年鄉黨稱孝又性

勤儉早起晏眠兩手凌裂如婢有小恙顧視維股輒代操井臼有所犯弗與校故

終氏之世門內無讎譟聲年四十餘頭髮盡白蓋積勞致之也民國十八年氏年

五十有四卒

李氏什王村人年十八歸本村鄧生耀事舅姑稱孝年二十四生耀試武考不傳隴

血死子長春甫二歲氏矢志撫孤勤苦不少輟舅姑極鍾愛之家事無鉅細必與

商議而後行舅姑歿弟姪謀析產多遊惰氏不得已攜子別居一小室所分產業

甚薄教子讀不以他事累而紡績而井臼而耕耜皆一身任之堅忍之操數十年

弗稍渝故村人有鐵人鐵心之稱後長春成立家亦漸裕氏現年五十有九計守

節已三十五年矣

樊氏年十七歸定舟村楊宣定舅姑俱亡夫多病且貧入門即以針黹度日歷二年

生子世昌而夫死日夜紡績艱苦自勵由是家粗給族黨有凌欺者氏嚴正自持

惟以理家教子爲心畧弗與校久之凌欺者復轉生畏敬心世昌稍長命之讀有過輒嚴責之弗稍貸初不以一子而爲狗彘愛也現年五十有二家計稍裕抱三孫矣猶勤苦異常云

張氏真守村維克儉妻年十七于歸十九歲生子俊德甫五月而夫死氏忍憫撫子事舅姑極孝舅姑歿事兄克勤夫婦如舅姑數十年恬靜冲和鄉黨無間言其姪明德之妻王氏克勤之兒媳也幼端靜寡言笑年十七適明德年餘明德病亡生遺腹子天佑時舅姑弱病哀憫欲絕氏忍憫勉勵凡衣食所需俱先意承承志久之舅姑若忘其無子者事孀叔母張尤能曲意承奉得其懽心後姑歿舅繼娶某氏年尙少氏下氣承順門內無謗聲氏工女紅勤針黹井臼外日夜不少休所製衣布盈篋累筒民國十五年嵩軍據大王鎮時出搶掠氏聞兵將至即攜兒媳遠避比歸衣物一空人或爲氏惜氏曰若不獲已命猶可舍况衣物哉卒不介意其識大體如此民國十年張年四十三卒子俊德現已三十餘歲王今年四十餘歲

鄆縣縣志

卷六

列女 節婦

五十一

守節已二十餘年矣子天佐已二十三歲中學畢業生時人謂之一門雙節

趙氏舉人趙繼聲之妹年十九歸康王村張學裕越八載學裕病故無子女家又極貧氏矢志離他事姑以孝聞暨姑歿居母家受其兄訓粗知文字日惟閱善書勤女紅足跡不出戶庭其夫兄亦無子氏養一螟蛉兼祧兄祀今其子已成立矣張氏之祀賴以不墜氏現年六十歲尙存

張氏元村白玉平妻二十四歲夫死生子一撫養成人子亡又撫孫歷盡坎坷矢志靡他現年七十有四

劉氏生員魏宗普妻年二十九宗普死遺一子氏矢志堅貞撫子成人年五十四歲趙氏縣東街華州訓導山鍾靈之子媳年二十一寡居子死撫姪爲嗣年九十餘猶在生平苦節人所共稱

李氏馮村段大倫妻年二十六夫亡子未周歲氏守貞育子歷盡艱難現年五十有八

鄭氏村全懷錦之妻年二十八寡居家甚貧紡績澆灌以自養雖艱苦受盡而堅貞之志不爲稍移鄉里咸憐而稱之現年五十餘歲

弋氏辛栗村西堡何公妻年二十六歲夫亡撫子成人矢志不二今年八十餘歲

李氏辛栗村北堡人二十三歲夫齊思安亡守節撫子成立五十餘歲終

王氏羅什堡人也歸石井村東堡張鳳翔年二十五鳳翔死守柏舟之操茹苦食貧不二其心今年六十餘歲

陳氏年十八歸石井村楊百忍年二十三忍亡撫一子成人節勵冰霜至死靡他

李氏水磨頭張蒼妻年二十三歲蒼亡茹苦食淡撫子成人今六十餘歲

全氏水磨頭國有德妻年二十五夫亡撫子二人矢志不移今七十餘歲

周氏雷家寨孟計良妻年二十六夫亡子二俱數歲家極貧所居敝廬一間以紡績爲生撫子成人村人未嘗見其出門冰霜之操至死不渝今年七十餘歲猶在

張氏歸東岡庄李萬龍年二十七萬龍亡撫一子成人備嘗艱苦不渝其操今已六十餘歲矣

鄆縣縣志

卷六

列女 節婦

五十一

十餘歲矣

王氏龍家寨趙詩之妻也年十八夫亡撫遺腹子成人艱苦備嘗今已六十餘歲矣

陳氏歸土門子蕭景鵬年二十五夫亡子幼撫養成成人堅持婦道品誼清潔今年八十二歲猶在

張氏石井村東堡人適西堡閻登坤年二十七夫亡遺孤子四氏撫養成人家業不墜今年七十餘歲矣

王氏石井村西堡范應傑妻年二十歲夫亡守義撫子懷滿家貧茹苦至於成立壽八十餘歲歿

王氏直峪口楊長妻年二十夫亡守志堅貞現年五十七歲

崔氏靈山寺鄭恆義之妻也夫亡氏年二十五生子子俊甫八齡翁姑早逝氏紡績度日事伯母若親姑及伯母逝而子媳亦相繼亡遺孤同生紀生俱幼氏復以祖

母代生母教養兼至鄉人稱之現年六十二歲

梁氏靈山寺弋生榮妻年二十三夫亡子保善方九歲有地一畝餬口無資戚族咸勸再醮氏守從一之義惟特紡績自給或并日而食猶能供保善讀書數年現保善已生三子一女家漸小康人以爲氏苦節之報云氏年六十八卒

王氏雙庄蔡成妻年二十八而寡家甚貧孀姑年七旬二子秉坤秉錫俱幼氏堅矢柏舟凡事親育子悉藉十指爲生活者殆數十年如一日也現有三孫氏年六十一尚在

張氏林家堡林脩竹妻脩竹死氏年二十八遺孤子三女五長者未成立幼者尙穉穉薄田數畝食指浩繁氏書耕夜績度日如年親鄰咸勸再醮氏矢柏舟之死靡他現年七十五歲有孫五人但家道猶貧紡績猶不釋手云

楊氏曹家堡曹恆有妻二十五歲恆有病故繼母王氏亦繼近遺一子甫週歲氏子二次子方哺乳憐弟幼分乳乳之歷盡艱辛矢志不渝能爲弟若子皆婚娶現生一姪七孫蘭桂競芳鄉人羨之氏現年五十九歲

鄒縣縣志 卷六 列女 節婦 五二

耿氏曹家堡劉俊妻生員耿壽之姪女也年二十一倏亡遺子志善甫十月翁姑年六旬氏念親老子幼誓不再醮晝夜績爲二人供甘旨兼教志善讀親若不知其子亡也者翁七十四卒姑八十八卒皆沉病數年而後逝氏親湯藥晝夜侍不離床喪葬悉如禮遠近稱之氏現年五十一歲

馮氏向家堡李先春妻年二十九夫故老姑六旬三子俱幼薄田十畝饑殍不給氏勤紡績兼耘事孀姑以孝聞撫三子悉成立姑七旬有四病數年始逝氏侍湯藥輒數日夜不交睫殯葬如禮爲三子次第完娶辛苦難以罄述現有孫四人年八十猶在

余氏西爐丹村楊秉林妻年二十一歲夫死遺孤占魁八歲上有七旬孀姑僅租薄田五畝晝夜績食不足往往日一餐或隔日一餐親族目擊苦難皆勸改醮氏立志堅卓自誓不能終養老母育子成人無顏見吾夫於地下後母八旬餘終盡哀禮教子成立已生孫十一歲矣氏現六十八歲猶紡績不輟

王氏西爐丹村鄭如喜妻年二十五歲夫亡遺孤二長秀雲六歲次倉雲三歲有地六畝貧不能給氏紡績之外繼以耕耘艱苦備嘗父母憐其太苦欲奪而嫁之而終不敢明言知其心如堅石不可轉也氏撫養二子俱成立又爲次第娶婦現已生三孫矣氏年五十有九尙健

趙氏馮官寨馮中驥之妻年二十八歲中驥卒無出翁姑俱老氏以媳代子職奉養周至不數年弟夫婦相繼死遺二子一五歲一二歲氏視之如已出教養兼施取次姪牛娃爲嗣終養翁姑殯葬如禮現年六十三歲

石氏御下堡劉明善妻年二十四明善病故遺二子長七歲次二歲翁姑又相繼逝窮無所依氏誓不嫁一心撫養二子教之讀書束脩皆從十指間出及二子成立娶婦各生一孫氏年六十二卒

弋氏華氏姑媳也適沈家營南堡牛致祥年二十九致祥死矢志守貞拮据度日撫遺子十五歲不幸短折乃取姪新爲嗣娶媳華氏生子振魁甫三歲新以疾死華不以姑孀家貧二其心晝夜紡績以資事畜草根樹皮雜糶咽之無戚容民國四年七年七旬有四終華能盡哀盡禮人皆稱之現年六十有一可謂一門雙節

程氏東屯里傅安妻年二十夫亡無子氏孝事孀姑取兄子從發爲嗣已抱孫焉節孝之名遐邇無間現年五十六歲

吳氏東屯里生員傅錫鏞之妻錫鏞入泮十餘日以病亡氏年二十九無出以兄子作相爲之子矢志守貞百折不回後爲子娶婦生孫三作相又亡與孀媳撫養三孤孫晝夜績歷數十年如一日氏現年六十三歲

楊氏沈家營沈建義之妻年二十夫死遺一子浩方三歲上有七旬孀姑家貧甚氏矢志守貞事姑以孝聞撫子成人教讀婚娶績紡之外兼事耕作姑逝殯葬如禮生孫一曾孫三種田四十畝人以爲節孝之報云民國八年壽八旬卒

王氏後寨里劉紀印妻年三十歲紀印病故遺二子長有潤九歲次有萬方遇歲破屋兩間薄田十餘畝皆押抵外債氏守貞堅苦耕不傭工晝夜績無片刻暇每

鄒縣縣志 卷六 列女 節婦 五三

年賣布不下三十匹教子讀書七八年內陸續清償外債又爲二子婚娶生孫各

一氏現年六十九歲

錢氏占管營程准妻年二十八歲夫故遺一子一女上有孀姑氏奉親撫子備歷艱苦當光緒二十六年大荒之際往往日不舉火或掘取草根樹皮雜糠粃與子女咽之而堂上甘旨不使稍缺民國八年姑始逝喪葬如禮又爲子娶婦生孫二皆幼慧人以爲節孝所感云氏現年六十歲

劉氏年十七適南慶叙曹應德二年而夫亡無子惟遺一女堂上翁姑俱衰氏事之能得其懽心及翁姑亡撫堂兄應智子禮爲嗣日夜紡績家計賴之現年六十餘歲

劉氏南待詔村屈茂誠之妻于歸年餘而回匪亂茂誠被擄無蹤弟茂七年幼氏紡績度日艱苦備嘗而志不稍移後取弟子爲嗣民國十八年卒壽八十有四

馬氏北待詔村王居忠妻年二十歲喪夫遺孤子二薄田數畝氏矢志堅貞不以貧

鄞縣縣志

卷六

列女 節婦

五四

易及回匪亂攜子奔竄雖瀕死者屢而其志終不稍渝民國十六年壽九十四歲卒

王氏北待詔村馮起彥妻于歸半年起彥西往口外而沒無子氏矢志不二撫姪度日紡績耕耘常以身任之後姪成立宗祀賴以不墜鄉人稱之壽六旬餘卒

司氏真花衛韓梗之妻年二十六歲夫死遺一子甫七歲上有七十二歲孀姑家貧無度氏以紡績爲事苦志堅貞自矢苦節三十八年壽六十有四而終

毛氏文義村張登瀛妻年二十一登瀛以拒回亡家赤貧苦節終其身卒年七旬有八

王氏西遙指頭楊懷振妻年二十八夫亡遺一孤家極貧氏守柏舟之操紡績爲生兼勤耕稼撫子成人今六十餘歲矣

王氏西遙指頭白正妻年十九夫亡撫三子節勵冰霜之死靡他今六十餘歲

王氏西遙指頭白玉祥妻青年喪偶勵從一之志撫三子成人清如冰霜今七十餘

歲矣

王氏東遙指頭王崇仁妻二十六歲喪偶矢志堅貞撫孤子成人冰清玉潔無有瑕玷今年七十歲矣

張氏朱家堡張崇興妻年二十九夫亡守從一之義撫一子成人淑慎有德里人敬之今六十歲矣

吳氏夏家堡夏然之妻二十餘夫亡守志家甚貧撫一子成人勤儉持家現年六十有四

譚氏夏家堡夏活妻年二十餘夫亡矢志堅貞撫孤成人今六十餘歲矣

樊氏崔村楊德順之妻年二十而夫亡子未週歲貧無所養氏抱子爲人代庖者十有餘年泊子長耕織度日有望無何子又亡遺孫尙稚媳欲再醮氏長跪不起遂止然婦姑之間輒起齟齬氏乃持齋居古刹有年其媳悔悟自咎始請氏歸現家道小康孫又生子是楊氏宗祀賴以弗墜者氏之功也氏年七十有七尙在

段氏年二十一歸東羊村劉孟義僅二載餘而夫亡子在襁褓堂上翁姑俱存薄田止有數畝氏矢志守貞全賴十指爲生活卒能撫子成立事翁姑以孝聞現時衣食弗缺氏年五十有四

王氏東羊村劉夢周妻年十八于歸二十九而夢周亡子甫八歲田數畝氏以縫紉紡績爲生辛苦度日不幸其子又喪遺一孤孫後賴氏撫養堅苦之操始終如一

時年六十二歲

王氏東羊村劉彥成妻年三十夫亡遺子建祿幼氏矢志靡他回匪之亂氏潛藏於村西首藉地中匪至馬踏折左手將指得無恙亂後氏與子製竹器爲生濟以耕

織家遂漸裕宣統二年邑宰繆旌其門曰貞壽之門民國紀元氏年八十有四卒現時建祿夫婦均八旬有餘五世同堂曾孫秉璋秉德皆中學畢業生論者謂爲

貞苦之報

周氏李伯北村張銘鼎妻年十七于歸十八而銘鼎死子女俱無或以氏年羸勸之

嫁氏曰我嫁若老姑何遂誓志守節克盡孝道與姑同床相依爲命者殆三十年餘姑年八十乃終撫姪勤爲嗣已生二孫矣氏時年五十有五

程氏北郭村王順妻年二十九夫亡遺孤二地僅數畝氏盡務稼穡夜勤紡績艱難困苦一身備嘗後二子成立家道小康而孫曾亦繞膝矣氏年八十三尚在

劉氏澤露李廷蘭妻于歸六載而廷蘭亡僅一弱女氏矢志靡他事翁姑孝處姊姪時撫姪若已出尤操井臼不憚勞苦計守節已二十餘年矣時年五十二歲

王氏孝義坊劉懷德妻畢業生文進之曾祖母結縭七載而懷德亡遺子一女一氏矢死靡他經回髮之劫老幼數十口祇存四人一切衣食悉氏一人是賴後子又先亡而孫已成立家道日昌論者以爲苦節之報民國二年氏年六十四卒

王氏孝義坊劉克寬妻年二十八而寡地四畝房二間一子一女零丁孤苦人所不堪而氏不以貧寒易操日夜紡績始終罔懈其子又能勤稼穡家道遂昌孫曾亦林立矣民國元年氏年八十六卒

郭縣志 卷六 列女 節婦 五六

王氏洪洞巷劉俊杰妻年二十五而俊杰亡子五歲女在襁褓氏念姑老子幼節哀守義姑年近九旬始卒獲其孝義氏處家教子勤而且嚴現子已成立孫又繞膝計守貞已三十一年矣時年五十有五尚在

張氏均河村生員段象離妻于歸三年象離亡翁姑在堂嬰女在抱氏誓志守貞慈孝兼盡處姊姪間無嫌隙閑靜寡言撫姪耀祖爲嗣鄉里僉以節孝稱時年五十九

張氏崔村萬廷貴妻年十七于歸未三載而夫亡生遺腹子家道式微氏性莊嚴而和順於翁姑姊姪之間以孝睦聞鄉鄰婦女有爭者輒邀氏調停反復勸解無不欽服於是有女鄉約之稱氏含辛茹苦六十餘年未年境遇日優孫曾蕃衍年至八十六歲含笑而卒

張氏崔村萬代才妻年十六于歸二十三而寡子方孩提氏忍痛守義言笑不苟撫孤成立苦節昭著年六十四卒

吳氏崔村生員萬懌悌妻年十六于歸僅五載而夫亡舉一遺腹子氏矢柏舟孝敬翁姑和睦妯娌子有過則督責極嚴不假辭色厥後子果成立孫已繞膝民國十一年氏年六十四卒

李氏寧光堡王作楫妻年二十五而作楫亡二女一子均幼氏事翁姑以孝稱長子霖已於高小學校畢業未幾亡次子亦亡氏雖痛憤填胸而深明從一之義恆謂天能阨我以境遇而不能阨我之氣節立志守貞人無閒言時年六十歲

沈氏寧光堡劉思義妻年二十九而寡二子一女俱幼氏上事老姑下撫子女苦節四十餘年二子成立孫曾繞膝現年七十二歲

陳氏趙王村于儀鳳妻年二十七居孀其夫臥病數載奉侍湯藥衣不解帶夫亡二子俱幼氏艱辛撫孤支撐門戶弟某欲謀產業逼氏嫁氏立志愈堅誓死不奪現二子已娶婦生孫氏康健猶昔時年六十一歲

張氏黃甫村李萬妻年二十二而萬亡上有孀姑下有遺孤氏耕耘織紡養親撫子數年而姑死氏哀毀骨立葬之以禮幸子克家已抱孫矣時年六十有四歲

樊秀貞定舟村趙大柱妻年十七于歸慈惠溫良事舅姑以孝聞甫二載大柱貿易甘肅成縣之土河坪一往不返氏誦經茹素待姪康健如已出泊舅姑歿兄嫂又相繼亡薄田數畝氏紡績縫紉衣食藉資後爲康健娶媳生子光緒庚子歲大嫂家益窘康健出外謀生氏以鍼前傭工撫孫茹苦含辛五十餘年民國十年七十歲終

姚氏梧桐村山生有妻年二十二生有死氏誓以身殉念遺姑在堂節哀奉事久之姑亦若忘其無子也迄今三十餘年鄉里稱孝尚在

劉氏崔村王本吉妻年二十九而本吉死二子均幼老姑在堂氏矢志守貞克盡孝道撫孤成立年六十尚在

劉氏南真守村雒平書妻年二十二歲夫歿老姑在堂生遺腹子又亡氏堅貞自矢百折不回姑深愛之以紡績縫紉佐饗殯居恆足不出戶後依姪志義以居時年

近六旬

魏氏大王鎮姚春銀妻年二十七夫殤二子俱幼家貧甚氏義不改適日夜紡績以育子後家漸裕孫亦成童苦節三十餘年時年六十三尚在

楊氏兆倫村張永高妻年二十六永高亡一子甫二歲老姑在堂氏矢志靡他孝慈兼盡後其姑八十餘歲終子已成立時年五十八歲猶強健

萬氏大王鎮趙大振妻年十七于歸僅四載而夫亡一子二歲餘賃屋而容身紡績自度後攜子住娘屋多年子已成立三孫繞膝時年六十五歲尚在

郭氏真守村雒文馨妻年二十三夫亡子進琳甫三歲翁姑在堂兄嫂早逝遺二子二女氏撫之如己子而又克勤克儉孝事翁姑故翁姑八十餘歲終子姪亦皆成立諸孫縣縣不可謂非節孝之報時年六十有三

胡氏王守村李懷智妻年二十五夫亡二子俱幼家極貧氏携子爲人司庖廚兼縫紉以養其子辛苦幾三十載時年五十八歲尚在

鄆縣縣志 卷六 列女 節婦 五八一

劉氏什王村劉萬成妻年二十九夫亡無翁姑兄弟子甫數月田二畝紡績之餘常爲人編織篩底以自度苦節五十餘載時年七旬有九尚在

孫氏北宋村西堡申士正妻年二十八夫亡遺一幼女氏義不再醮藉紡績買布以度日含辛茹苦人無間言時年五十有五

申氏康王郵生員靳瑞琦妻年二十三瑞琦癘遺一女甫二歲子凌雲生僅四月家有孀姑事畜之資全賴紡績泊凌雲稍長俾入師範學校畢業所需學費又多從機杆中來矢志三十餘載感卹咸以節孝稱時年五十四尚堅苦異常

馮氏康王村靳喬崢妻年二十八歲夫亡一子甫三歲氏孝事老姑姑亦愛之如女備嘗艱苦始終不渝時年六十一歲尚在

陳氏龍台坊馮麥計妻年十七于歸未一年而夫亡家徒四壁田僅一畝氏日夜紡績不以貧苦易心後撫螟蛉承祀辛苦三十餘年時年五十一尚在

郭氏兆倫村毛春茂妻年二十三夫亡子在襁褓家極貧藉紡績以養子成立含辛

茹苦漸至小康時年五十三尚在

姚氏兆倫村閻步鴻妻年二十六步鴻死翁姑早逝子女俱無孤苦零丁窮無所告後撫姪爲嗣苦節三十餘載時年五十九尚在

夏氏定舟村楊義明妻年二十九歲義明歿遺一子甫三歲又生一遺腹子家計蕭條內外無依日則耕作夜則紡績卒撫子成立苦節三十餘年時年六十三尚在

王氏化東堡崔致祿妻年二十八夫亡無子事姑以孝聞處妯娌間無閒言現年七十有八

關氏穆家堡穆鑽之妻年十八于歸適年即遭回亂夫被虜去氏以青春守貞矢志不渝現時八十五歲仍苦力自耕無子無家窮無所告

李氏黃堆南堡李信妻年十七于歸未幾信即出外氏事姑以孝聞歷數年信歸僅三月又死氏矢志柏舟一意奉姑數十年如一日姑亡氏以無子居女家年已六十四歲

鄆縣縣志 卷六 列女 節婦 五九一

孫氏付子村朱長林妻牛東孫副榜沛福之第三女也孝姑佐夫任苦耐勞生子蔭聖甫三歲而長林病故氏年二十三外債纍纍養育幼子摒擋家政故姑雷氏得享壽七十餘子亦經商於外氏現年五十餘歲

姜氏付子村朱文舉妻年十四于歸家貧如洗常與人傭工以供二親之養文舉業商口外歸家未幾即死氏年二十有七節操自持無子養姪爲嗣現年六十六歲

張氏朱春權妻上馬營師長張靖伯之姑也年二十一歸朱逾年生子夫即亡氏柏舟矢志守節茹苦者三十餘年現年五十六歲

石氏焦陽村鄧彥海妻二十六歲守節無子女田數畝與夫弟夫婦同居節操賢名人皆稱之現年六旬有二

李氏焦陽村杭永泰妻永泰客商川邊打箭爐死焉氏時年二十餘守十數畝之田撫育兩子中年食齋茹素清苦自勵現年七十二

楊氏南焦陽村何榮妻年二十六守節無子僅一女時諸姪輩皆弱小親戚有憫其

無子勸再醮者氏嚴拒之同亂時氏嘗以天墜塗面自污終能撫諸姪以次成立
民國五年卒享壽七十有六承重孫何濤等立有石

李氏北廂村丁五潤妻年二十二守節無子女姑賈氏亦孀居現年八十餘歲姑媳
二人相依為命一門雙節人盡稱之

李氏唐旗寨唐存妻存業農光緒二十七年死氏年二十四無子與夫弟經營度日
將依以終而弟於民國十四年八月十五日又為土匪掠去與姪同居共苦撫孤
姪以成立亦足多矣

安氏渭曲坊師大芸妻也年二十一夫死生遺腹子懷純氏念上無舅姑終鮮兄
弟呱呱在抱其何能立乃依從叔名穩者以居閱數載叔有異謀復析居又依從
叔名某者以居氏書力耕耘夜勤紡績辛苦數十年卒撫子以成立今七十餘歲
尚健懷純亦克肖子念母幼子之哀也二十一年春曾請諸當道為母樹貞賢碑
云

鄠縣縣志 卷六 列女 節婦 烈婦 六十一

趙氏姚村嚴真修妻年二十六夫死只守一子甫三歲辛苦備嘗現年五十有九

馮氏待詔村馬元著妻于歸後生二女一子年二十四夫死家極貧氏矢柏舟志不
稍移撫子嫁女多恃女紅後子年幾五十亦死零丁孤苦備極艱難民國二十一
年秋季八十四卒

姚氏許村宋重華妻年近三旬生子接堂甫四月而重華亡僅有薄田十餘畝兼值
家庭新析兄弟每相仇視而村中橫暴者又多凌欺之氏矢柏舟堅苦不二後攜
子居母家歷盡坎坷卒能撫子成立保守遺業現接堂年三十餘歲家道小康氏
今年六十有五猶在

烈婦
按舊志烈婦以秦范植妻孟姜居首姜遭人今湖南澧縣喬三石馬溪田均辨之
甚詳澧澧字近似舊志誤之耳今不錄紀實也

明

張氏王漢妻漢病醫與俱死及卒氏哭之正寢抵暮入室飲藥死事聞樹碑表表其
舉張太微為述烈婦傳

全氏諸生趙日昇妻與昇同被賊掠給賊曰吾兄也釋之吾從汝賊信之日昇得脫
免氏度其去遠據樹大罵賊以刀劈之至死猶抱樹不解同里何氏楊遇妻遇亡
守節賊至強挾不從乃縛於樹氏忿罵賊以刀割乳塞其口氏仍罵不絕賊割其
腹而死又姚大錫妻閻氏閻祚昌妻沈氏俱遇賊不辱大罵而死舉人陳治衡妾
某氏投井死

馮氏生員李宗直妻年十四歸宗直五年夫亡氏長慟不食數日而卒遺女甫一歲
後三年忽奔哭於父母墓上家人抱之歸而氣絕人皆異之

魏氏生員陳治微妻朱氏邑民劉于陸妻順治二年賀賊至鄠二氏皆被掠逼之不
從遂見殺

鄠縣縣志 卷六 列女 烈婦 六十二

趙氏王郢妻史氏王郢妻居平妯娌相愛聞賊警共誓必死既被掠趙投火死史投
井死見陝西通志

彭氏邑民王為妻賀珍之亂氏聞賊至避兵城樓賊登城氏知不免墜城死

邢氏邑民王教成妻賀賊自漢中寇西安所經郡邑靡不殘破鄠城陷教成遇害氏
見夫死大慟與十四歲女同投井死

王氏生員全調鼎妻順治初明之遺賊尚有未靖者劫掠時聞調鼎率鄉人與賊格
鬪以衆寡不敵被殺氏泣嘔血死

李氏韓光隆妻為山賊所掠逼之氏罵不絕口因殺死

劉氏邑民屈崇山妻夫死無子氏矢志養姑康熙辛未歲饑姑勸之嫁不從無何饑
益甚鄉人多鬻身乞活姑泣謂氏曰我死在旦夕汝自鬻尚可活我氏泣不應良
久姑大慟曰死耳夫何言氏復啜咽久之忽起曰如姑命遂鬻於豪家得銀付姑
乃號泣登車而去入豪家親鄰釀酒稱賀家人懼呼氏乘間入廁自縊比覺則死

已久賀者相顧驚歎去家大恨以敗棄妻尸棄野外積骸中鄉人聞之多淚下
孫西峯曰屈劉氏之以死全節其烈可嘉其繫於人得銀自縊諒矣不可為訓也
然所遇甚難實無兩全之策孔子曰自古皆有死程子曰餓死事極小氏見及之
惜其姑未能與氏同志耳

李氏邑民楊孟弼妻秉性端嚴其夫堂弟孟重逞暴強姦氏堅拒不從以致殞身殯
正八年旌見陝西通志

王氏邑民王可吉妻年二十六夫歿一子甫生含哀鞠育備歷艱辛子四歲而殤氏
零丁無倚決旬後直夫喪三週悲哀致祭翼日沐浴自縊死

以上烈婦十九人係舊志所載者
孫氏余下堡劉宣妻宣亡氏年十八堅心守節母家與夫家屢勸改適不從繼而兩
家又強逼之已受財訂期矣氏即於前夕自縊時雍正十二年也

萬氏興仁堡楊維新妻年二十有五而維新逝矢志守貞因逼嫁遂於乾隆二十八
年十月十三日自縊遺子甫三歲賴舅氏縣學生萬世傑撫養之

萬氏原村劉鳳德妻鳳德卒氏年二十有八無出踰年姑憐之屢勸改適氏曰舍姑
再離非義也姑曰我死爾復何依氏曰俟慈姑後自刎墓前耳姑知氏性至烈遂
不敢強再踰年復有勸其改適者氏即厲言拒之無何早起為姑推礎訖從容梳
洗更衣隔戶端坐自經死姑覺啟戶視之面如生探其懷抱物則書一卷鏡一圓
也嗚呼此可知氏志矣時乾隆三十七年冬十月二十五日

孫西峯曰氏與楊萬氏同族皆素知從一之義者其自經時懷書一卷謂此心可
對聖賢也鏡一圓謂此心明於倫常所在不忍自昧也村婦乎說從容就義足與
文信公爭烈矣

以上烈婦三人係孫西峯情志時所續入以後則此次情志所採訪編入焉

烈女一為馬繼鐸之女一為馬植童妻之妻年俱十五同治五年髮匪至村婦攜二
女避晉中被賊給出惟二女端坐不動悉薰死

文信公爭烈矣

女避晉中被賊給出惟二女端坐不動悉薰死

文九芝邑人文登榮之女同治五年髮匪至九芝匿密中被賊搜獲厲聲大罵賊刃
之死而復蘇賊又欲載歸營中九芝乘間投井死時年一十八歲

孫玉貞年十六善民成章之女賈娥年十四生員忻之妹俱牛東堡人素為閨中
密友聞賊至賈謂孫曰吾輩義不受辱姊意如何孫曰寧玉碎非瓦全決不偷生
賈人笑議甫定聞賊搥門聲甚厲孫急毀容投井中賈繼至窺其屍未沉恐賊
投之莫能死迨至廚取菜刀刎頸而死家人歸拯女屍毀面爪痕猶十餘數云

賈房兒牛東堡童生賈芝之女年十八同治甲子髮逆突至投身入井賊拯出欲辱
之女罵不絕口視隙復投井中如是者再賊怒割之身無完膚而死

熊氏潯裕口熊智仁女幼受聘於化羊村某氏未嫁值髮亂倉卒送夫家逃黃柏峪
避難被賊獲罵不屈賊強掖馬上至澗邊猛撲墜死

以上女子遇賊死難不辱者七人謂之烈女

某氏西坡生員田維垣妻夫歿時子女俱無葬後氏即輟哭閉門臥久之不出亦不
食排闥視之已吞毒而死事在咸豐初年

張氏雲南富明縣某宦之女秦渡鎮李治賈於瀨以禮聘之合卺後治病療氏泣曰
夫不起我何生為割左臂為肉糜進之夫病果愈後歸秦夫病復作竟不起氏亦
仰藥卒事在咸豐七年

喬氏大屯里王明德妻夫歿後事親教子各盡其道咸豐丙辰已受旌者也同治元
年花門煽亂氏隨家人避南山中賊突至焚殺最慘氏與子媳俱死於火

楊氏盤屋郝村楊有財之女年十九歸邑寧光堡王維甸結縭三月夫以癆瘵死屬
續後氏將自經家人嚴防不克死後竟絕粒八日以身殉

黃氏東索村董二妻夫死後仰藥死

劉氏西韓村沈登瀛妻夫死後氏遂自盡

某氏崔村萬翠生之妻有殊色回匪至欲擄獻其渠魁氏罵不從賊強載之氏罵愈
厲墜馬數次賊知終不可致支解之時溫風已至而顏色如生蠅蚋不集無腐臭

屬墜馬數次賊知終不可致支解之時溫風已至而顏色如生蠅蚋不集無腐臭

氣蓋清潔之操固結不散雖死猶生理固然也事在同治元年

程氏年十九歸大屯里屠汝霖閱六年而汝霖死氏即欲以身殉念親老子幼未敢捐生同治元年花門禍作氏隨翁姑避南山中賊至被執欲污之罵不絕口而死死數日顏色猶如生云

全氏曲抱村人年及笄適兆豐橋喬支二十五而喬支死子幼家貧氏辛勤撫育艱苦備嘗同治元年花門變作氏往曲抱村母家村民結團自衛賊被創不敢攻恨之值瘟疫大行村中十人九病賊入屠之氏死尤慘

馬氏百福村附貢馬文炳之姊也年十八歸留南村張思武思武性癡而貌寢人謂氏于歸後必不相能而氏則勿逆勿違曲盡婦道結縵二載花門禍作思武旋病時避亂者紛紛逃走氏獨守病夫死生以之賊持矛刺思武氏以身翼蔽被數十創死不釋手思武遂得無恙

文氏渭曲坊師懷玉之妻年二十歲頗有姿色同治二年回匪至被執欲辱之氏罵不絕口賊怒斷其舌猶喃喃作罵賊聲而死

鄂縣縣志

卷六

列女 烈婦

六四一

李氏新寨史貞喜妻其弟貞升妻劉氏年俱少艾同治二年貞喜貞升兄弟俱為回匪所戕李恐被污投井死時劉奉姑避化羊峪中聞凶耗欲自殺姑憤曰爾等皆死我將何依不如先死劉恐姑之死非命也即順其意曰道路傳聞未可盡信果爾媳必養以終也後竟茹苦含辛養生送死無遺憾

王氏待詔村馬萬成妻僑寓盤屋年方少艾適髮匪突至城破氏覓死或止之曰稍遲則不及矣遂閉戶自經事在同治二年

賈氏牛東堡賈致中之女澤露村生員張彬之妻同治五年氏年二十一歲適髮匪至不及避氏罵賊求死賊不忍殺欲擄去氏乘間取賊刀自刎暴屍數日顏色如生賊亦歎息不置

張氏年十八歸大屯里屠煥賈煥賈好撻婦氏憤勸曰君若是何以教子弟也煥賈自是不復賭同治五年髮匪突至氏隨衆奔避南山至馬尾坡賊追及擄之氏大

罵扶置馬上倒墜者數次厲聲罵曰為賊子母且不屑况從汝乎賊怒支解之

程氏大屯里屠重輝妻年十九遭回匪亂逃至馬尾坡賊追及欲掠之去氏大罵不休強扶上馬則撲顛而下者數次賊迫不已遂撲墜洞底賊怒以長椎亂刺死

賀氏南龐村賀九成之女吳家堡吳廷玉之妻也廷玉死時氏年二十一歲同治髮匪至投井死六年旌

盧氏文義村張克棟妻回匪之亂克棟被衆推為團長與賊戰衆潰被執不屈死氏聞變投井死

陶氏牙道堡沈發丁妻發丁死於回匪氏守屍罵賊不絕口賊殺之

呂氏張秀峯妻病臥床褥聞賊至求鄰媪負已投井將近井賊奄至挽留氏曰我病渴若得痛飲即如願是從信之至井令媪釋已匍匐作將飲狀營身入井賊頓足自恨

王氏北宋村申繼孝妻有姿容聞賊至扇戶將入嘗賊踰牆入握其手且執刀作恐

鄂縣縣志

卷六

列女 烈婦

六五一

嚇狀氏怒罵兩媪從旁溫諭罵愈厲賊以利刀剖腹肺肝俱見而死

楊氏崔村萬國興妻山間拾穗回突至視其閑雅扶抱馬上墜而下誓不偶賊賊知難強刺死

郭氏陶官寨陶讓之妻歸甯遇回匪縛馬上氏躍下復扶上凡上而下者數次賊怒刎氏首去

譚氏陶官寨陶留紀妻夫賈外不歸氏奉姑惟謹賊至堅坐不起賊強解衣帶欲辱之氏切齒怒罵至死賊莫能亂

某氏許官寨李常娃之妻年十七于歸甫一年而夫亡又一年而回匪至賊豔其色欲辱之氏罵不絕口賊強扶馬上倒撲而墜者數次賊怒剖氏腹五臟俱見而死里人自今猶有稱者

王氏鑿齒村閻振澤妻回亂率精銳圍其村振澤偕二子浩浚與賊戰殺賊數百卒以衆寡不敵與二子相繼死之氏正在尊聞城陷偕未子女投井死一門俱盡時

同治元年七月二十三日也

張氏鑿齒村閻聯科妻有殊色城陷賊共爭之氏罵不從賊輾轉逼迫罵益厲賊害之死最慘

毛氏鑿齒村閻隨過妻年十七適隨過家貧如洗攜籃拾穗奉養姑堡不守姑命之匿不忍去賊至刺姑直前抱護賊刺其四支與姑俱亡

夏氏鑿齒村閻義治妻賊至匿身磨房長女俊英年方及笄賊曳出不屈死次女桃英僅八歲見其姊死亦投於井氏怒持木擊賊賊亂殺之

趙氏鑿齒村生員閻繼續妻進士登雲家婦也生自舊家能嫻姆訓夫死守節不渝賊至投井掖之出欲辱之罵不絕口賊憤氣持矛亂刺殺之

劉氏鑿齒村閻鍊娃之妻年少美姿容當城陷賊爭取之氏義不受辱至斷手足而死

趙氏鑿齒村閻應方妻應方禦賊村外力竭而死其母陳氏聞警趨出與賊遇賊刺

之氏持賊矛端以身蔽姑被賊支解陳亦投井死

周氏南梧桐村山定雅妻年十八于歸經年餘回匪亂作氏偕堡人逃縣西曲抱村

村陷氏被賊逼誓死不從乘間身撲城壕水中以死

樊氏渭曲坊生員文殿元妻年二十為回匪所擄氏誑賊取其衣遂投井死

李氏龍台坊武生陳煥國妻同治初回匪突至被擄氏罵不絕口賊令一老嫗守視

別尋婦女氏乘隙投井死賊至以石下井亦慘矣

劉氏白虎堡楊清桂之妻沉默寡言事翁姑撫子姪孝慈兼至而於夫婦間尤能致如賓之敬光緒三年旱復大疫清桂死氏即痛不欲生曰夫死未亡人安用生為

閱日哭于墓突觸古楸而死衆趨救之已頰血模糊弗及矣

柳氏邑北鄉六老菴農人柳通滿女也幼端謹寡言笑年十九歸客民徐恆治恆治

虞鄉人僑居縣城杜家巷家赤貧氏義命自安一無怨懟力操作勤女紅以資衣

食事夫尤敬順里黨稱賢甫四年夫遺癆疾侍湯藥晝夜罔懈者五閱月及夫病

不起一慟幾絕自念孑然一身無舅姑子女累不如一死殉夫母家欲奪其志伴

應之悲事既畢悉出衣物償夫債三度日痛哭陳奠訖入室整衣飲毒而臥詰朝

日出門猶屈舍婦訝其晏起呼之不應比啟視則氣息微矣其甥來視將解以藥

忽張目厲聲曰我孀婦也甥無得近須臾遂逝時光緒十六年十月也黎學使為

題節重軀輕字旌之

侯氏康王村劉作梅妻年十九于歸律身淑慎不苟言笑光緒二十六年作梅患疽

死氏形容憔悴葬後月餘仰藥而死

吳氏大屯里王守敬妻宣統三年土匪時出搶劫守敬見賊至逃避賊牽氏手氏大

罵之遂遇害

以上烈婦死於髮難者四人回難者二十六人土匪之難者一人及殉夫者八人

合前烈女七人共四十六人均係此次續修省通志鄂採訪局所採訪截止清末

者

鄂縣縣志 卷六 列女 烈婦 六七

民國

朱氏付子村人黃堆南堡王自修之妻也年十七于歸甫三月而白狼亂起時屆清

明氏以青春新婦方整裝歸甯賊突至避之不及賊強之氏怒罵自毀其面投身

溺中賊怒以槍擊之遂死

張氏文義村邵陽縣長張子乙之長女縣北街省諮議局議長王錫侯之孫媳也幼

受讀於其伯父子甲能明大義通書算年十七于歸越數載值白狼陷城氏避賊

樓上為賊所得急投身樓下廁中不死以糞穢自污賊又逼不已復投入井賊去

家人撈出又不死扶之鄰家方擁被自煖而賊又至氏見逼不已乃拔賊刀自刎

喉斷血湧昏迷暈穢賊始去幸得好藥敷之數月始愈噫亦烈矣

按夫在非節未死非烈例固然也然當其墜樓不死至於投井投井不死乃至拔

賊刀自刎喉斷血湧暈穢賊去此其時何嘗稍存欲生之念哉其能得生者以幸

耳余時在縣城知其事最確非同得諸傳聞者比亟宜表章以為婦女勸故雖夫

在未死亦應破例書於烈婦之末

孝婦

明

王氏閩鴻業妻翁遺疾瘡鴻業奔請神祠氏聞人肉可療疾剖股作羹翁食而疾愈

左氏生員孫丕振妻翁疾危屢治不效氏焚香祝天剖股烹羹暗入藥內翁服之疾愈

王氏生員魏惟野妻幼嫻女訓適惟野家貧氏勤紡績盡脫簪珥以佐舅姑甘旨後事繼姑亦承顏順志無少忤妯娌數十年雍雍無一間言一時奉為婦師

張氏霞鳳池妻善事翁姑以孝聞又兄嫂早逝遺姪述氏孀居撫育如己出至於成立年八十餘卒

張氏生員王振世妻適振世時翁姑既喪氏撫姑遺女子歸時盡出己物為奩每伏臘薦先必手自潔治與子孫言及先人輒涕泣以未及孝養為恨振世先臥病氏憂慮亦病三日間夫婦相繼逝人以爲靜好之驗云

鄭氏生員傅作哲妻事翁姑甚孝又以己無所出勸夫娶妾撫妾所生如己出夫亡氏教子入庠

才女

王氏舉人九叙曾孫女蓋屋龐源妻源以孝廉累官至知府氏幼聰慧與舅趙嗣同學詩文其詩溫厚和平雖嬌亦自謂不及也著有文集

封贈

韓氏 順治八年以孫程

張氏 以子程明順

高氏 順治八年以孫程

王氏 以會孫賈士威貴

張氏 以孫賈士威貴

張氏 以子賈士威貴

劉氏 勅封陳球貴

張氏 守節歷名將本生母氏

劉氏 守節歷名將

李氏 雍正十三年以孫

魏氏 以子王勳貴

溫氏 知縣王勳妻廉正

孫氏 乾隆十六年以子劉

張氏 乾隆二十六年以孫

李氏 所氏 以孫楊作棟

楊氏 以子楊作棟

賈氏 裴氏 俱守節備封宜人

柳氏 乾隆三十六年以子

吳氏 勅封宜人

張氏 以子劉光第

以上自明以至清乾隆丁酉孝婦六人才女一人封贈二十四人俱前志所載者

鄆縣縣志

卷六

列女 封贈


六九

鄆縣縣志卷之六終

重修鄠縣志卷之七

金石第二十二

周鄠宮瓦當文



鄠縣縣志

卷七

金石

漢上林苑瓦



瓦當面徑六寸四圍作朱雀玄武青龍白虎之飾中有一字曰鄠

芸臺先生學經室文集云嘉定錢君既勤

得古瓦作鄠字上下左右作四神形甚奇

古可愛爲之考曰周豐宮之瓦鄠即聲引

鄭康成大射儀注証之云豐字從豆豔聲

古人作豔無口明可消去

桂味谷明府云嘉定錢君東垣拓所藏瓦

見惠其文曰鄠即此

漢書楊雄傳武帝廣開上林南至宜春鼎

湖御宿昆吾旁南山而西至長楊五柞北

繞黃山瀕渭而東周袤數百里

上林秦時舊苑漢武開廣之周袤數百里

離宮別館七十餘處此蓋其垣衛所施耳

姚秦三藏法師鳩摩羅什之舍利塔

在塔

塔高七尺許八面十二級其石舊志稱西域所貢洪楊之亂塔頂毀于賊寺僧以山

石補之今其下層亦多毀損上刊鳩摩羅什之舍利塔其西南面題有孫陽來三字

丁酉仲秋晦權邦彥侍親來禮而作偈言曰

大士入東土姚秦喜服膺當年羅八俊盡是詰三乘翻譯明佛旨圓通並祖燈如何

生別派南北強分明

魏故涇雍二州別駕安西平西二府長史新平安定清水武始四郡太守皇甫

君諱麟字真駒安定朝那人也卿士之苗胄渡澗之瓊胤荆州刺史之孫辟主簿

部處士之元子金紫扶疎冠冕今古風節朝畧載在史籍君胄藉深厚性自奇拔是

以早延休譽夙播高問刺史王公簡高梁澄練涇士余日搜揚無先君者辟君爲州

都君諒才舉第稱允羣望平直之選歌聲滿路刺史嘉君忠篤即拜爲主簿君輕賤

儒術意夢經讀照賞之情自然孤解即年中復貢秀才君仁恕寬洽接疎瀾到共事

之處無不樂仰延興中涇士夷民一万余家詣京申訴請君爲統帥然戎萃理隔本

鄠縣縣志

卷七

金石

不相豫朝議不可聖上以諸民舟情難奪中言特許太和廿年中仇池不靖扇逼涇

隴君望著西惡勸能服瓶旨召爲中書博士加議郎馳驛慰勞陳示禍福兇頑盡悟

面縛歸降動有數萬刺史 城王嘉其遠量表爲長史君策謀深立聲振朝廷復除

爲清水太守領帶軍鎮景明元年中旨格初班簡選臺資窮盡州望辟君爲別駕而

君佐弼有方士民悅樂從景明三年至四年督護新平安定二郡事正始元年中河

州刺史梁公以開塞地險非賢不御而君才猷互張善能綏撫復表爲武始太守正

始三年秦涇 逆大軍征討督都楊公以君權畧多端深達軍要表君爲都長史特

廩高等君雖宵藉安定增井在雍正始四年中還鄉刺史元王以君量勦執物復表

爲別駕君辭以夕年沖讓不許王重加厚禮頻命乃就凡所佐位血心奉公惟直是

斷雖伯魚之無私楊震之 賄方之於君未足嘉也 曆名宦垂登方岳意氣蕭條

猶若凡素每欽想四公企懷商洛焉是以逸問遠流聲蓋四海視片意如丘山散千

金若草土朝野榮賤望風送款方應進登臺鼎永憑高試昊天不弔春秋七十有五

遺疾不損薨于家以延昌四年歲次乙未四月癸酉朔十八日庚寅葬于鄆縣中鄉
洪湧里高山美木誰不 名賢背世孰不痛戀前雍州主簿橫水令辛對與君經
篤臨柩悲慟彌增哀切遂尋君平志刊記金石其辭曰

三才啟曜五氣流暉名川峻阜靈感特徵誕生君侯獨稟玄寶粹矣高度希世間出
金鏘河右飛聲挺逸賞不擇錙誅不辟戚唯理是從渾之若一深量難測沖識孤融
牙能撫衆武亦折雄丹磨不異鑽仰彌崇 深信志味通仙如雲開月如枯出煙

瓊岩頽崢玉韵車玄親舊悼惋痛惜絲絲圖記金石式揚名賢 妻安定梁氏 州
主簿郡功曹洪做女妻鉅鹿魏氏鎮西將軍女都太官黃龍鎮將趙興公留孫女
唐圭峯定慧禪師碑 裴休撰文並書

圭峯禪師號宗密姓何氏果州西充縣人釋迦如來三十九代法孫也釋迦如來在
世八十年爲無量人天聲聞菩薩說五戒八戒大小乘戒四諦十二緣起六波羅密
四無量三心明六通三十七品十力四無畏十八不共法世諦第一義諦無量諸解

鄆縣縣志 卷七 金石 三

脫三昧總持門善提聖鑒常住法惟莊嚴佛土成就衆生渡天人教一切妙道可謂
廣大周密法界于無疆徹性海于無際權實頓漸無遺事矣最後獨以法眼付大
迦葉令祖祖相傳非私於迦葉而外人天聲聞菩薩願此法衆生之本源諸佛之佐
証超一切理離一切相不可以言語智識有無隱顯推求而得但心心相印印相
契便自証知光明受用而已自迦葉至達摩凡一十八世達摩傳可傳瑋瑋傳信
信傳忍爲五祖又傳融爲牛頭宗忍傳能爲六祖又傳秀爲北宗能傳會爲荷澤于
宗爲七祖又傳讓讓傳馬于其法爲江西宗荷澤傳磁州如如傳荆南張張傳遂
州圓又傳東京照圓傳大師大師于荷澤爲五世于達摩爲十一世于迦葉爲三十
八世其法宗之系也如此大師本豪家少通儒書欲于世以濟生靈偶謁遂州遂州
未與語退游徒中見其儼然若思而無念朗然若照而無覺欣然慕之遂削染受教
道成乃謁荆南荆南曰傳教人也當盛于帝都後謁東京照照曰菩薩人也誰能識
之後謁上郡花嚴觀觀曰吡盧花嚴能隨我游者其汝乎初在蜀因齊次受經得圓

覺十三章深達義趣遂傳圓覺在漢上因病付花嚴句義未常聽受遂講花嚴自
後乃著圓覺花嚴及涅槃金剛起信唯識孟蘭法界觀行願經等疏抄及法義類例
禮懺修証圖傳纂畧書偈議論等凡九十餘卷皆本一心而貫諸法顯真體而融事

理超羣有于對待冥物我而獨運矣議者以大師不守禪行而廣經論遊名邑大都
以興建爲務乃爲多聞之所役乎豈聲利之所未忘乎噫議者豈知大道之所趣哉
夫一心者萬法之總也分而爲戒定慧開而爲六度散而爲萬行萬行未常非一心
一心未常違萬行禪者六度之一耳何能總諸法哉且如來以法眼付迦葉不以法

行故自心而證者爲法隨願而起者爲行未必常同也然則一心者萬法所生而不
屬於萬法得之者則于法自在矣見之者則于教無碍矣本非法不可以法說本非
教不可以教傳豈可以軌迹而尋哉自迦葉至富那凡十祖皆羅漢所度亦羅漢馬
鳴龍樹提婆天親始開摩訶衍著論釋經摧滅外道爲菩薩唱首而尊者闍夜獨以
戒力爲威神尊者摩羅獨以苦行爲道跡其他諸祖或廣行法教或專心禪寂或蟬

蛻而去或火化而滅或焚樹以示終或受害而償債是乃法必同而行不必同也且
循軌迹者非善行守規墨者非善巧不迅疾無以爲大牛不超過無以爲大士故大
師之爲道也以知見爲妙門寂靜爲正味慈忍爲甲冑慧斷爲劍矛破內魔之高壘
陷外賊之堅陣鎮撫邪雜解釋籠遇窮子則叱而使歸其家見貧女則訶而使照
其室窮子不歸貧女不富吾師叱之三乘不與四分不振吾師叱之忠孝不並化荷
擔不勝任吾師叱之避名滯相匿我憎慢吾師叱之故違違于濟拔汲汲于開誘不
以一行自高不以一德自矜人有依歸者不俟請則往矣有求益者不俟債則啟矣
雖童幼不簡于敬接雖驚很不怠于叩勵其以闡教度生助國家之化也如此故親
大師之教者貪則施暴則斂剛則隨戾則順昏則開墜則奮自榮者慊自堅者化徇
私者公溺情者義凡士俗有捨其家與妻子同入其法分寺而居者有變活業絕血
食持戒法起家爲近住者有出而修政理以救疾苦爲道者有退而奉父母以豐供
養爲行者其餘種種而來欣欣而去揚袂而至實腹而歸所在甚衆不可以紀真如

鄆縣縣志 卷七 金石 四

覺十三章深達義趣遂傳圓覺在漢上因病付花嚴句義未常聽受遂講花嚴自
後乃著圓覺花嚴及涅槃金剛起信唯識孟蘭法界觀行願經等疏抄及法義類例
禮懺修証圖傳纂畧書偈議論等凡九十餘卷皆本一心而貫諸法顯真體而融事
理超羣有于對待冥物我而獨運矣議者以大師不守禪行而廣經論遊名邑大都
以興建爲務乃爲多聞之所役乎豈聲利之所未忘乎噫議者豈知大道之所趣哉
夫一心者萬法之總也分而爲戒定慧開而爲六度散而爲萬行萬行未常非一心
一心未常違萬行禪者六度之一耳何能總諸法哉且如來以法眼付迦葉不以法
行故自心而證者爲法隨願而起者爲行未必常同也然則一心者萬法所生而不
屬於萬法得之者則于法自在矣見之者則于教無碍矣本非法不可以法說本非
教不可以教傳豈可以軌迹而尋哉自迦葉至富那凡十祖皆羅漢所度亦羅漢馬
鳴龍樹提婆天親始開摩訶衍著論釋經摧滅外道爲菩薩唱首而尊者闍夜獨以
戒力爲威神尊者摩羅獨以苦行爲道跡其他諸祖或廣行法教或專心禪寂或蟬
蛻而去或火化而滅或焚樹以示終或受害而償債是乃法必同而行不必同也且
循軌迹者非善行守規墨者非善巧不迅疾無以爲大牛不超過無以爲大士故大
師之爲道也以知見爲妙門寂靜爲正味慈忍爲甲冑慧斷爲劍矛破內魔之高壘
陷外賊之堅陣鎮撫邪雜解釋籠遇窮子則叱而使歸其家見貧女則訶而使照
其室窮子不歸貧女不富吾師叱之三乘不與四分不振吾師叱之忠孝不並化荷
擔不勝任吾師叱之避名滯相匿我憎慢吾師叱之故違違于濟拔汲汲于開誘不
以一行自高不以一德自矜人有依歸者不俟請則往矣有求益者不俟債則啟矣
雖童幼不簡于敬接雖驚很不怠于叩勵其以闡教度生助國家之化也如此故親
大師之教者貪則施暴則斂剛則隨戾則順昏則開墜則奮自榮者慊自堅者化徇
私者公溺情者義凡士俗有捨其家與妻子同入其法分寺而居者有變活業絕血
食持戒法起家爲近住者有出而修政理以救疾苦爲道者有退而奉父母以豐供
養爲行者其餘種種而來欣欣而去揚袂而至實腹而歸所在甚衆不可以紀真如

來付囑之菩薩衆生不請之良友其四依之人乎其十地之人乎吾不識其境界庭宇之廣狹深淺矣議者又焉知大道之所趣哉大師以建中元年生于世元和二年印心于圓和尚又受具于拯律師大和二年慶成節徵入內殿問法要賜紫方袍爲大德尋請歸山會爲元年正月六日坐滅于興福塔院儼然如生容貌益悅七日而後遷于函其自證之力可知矣其月二十二日道俗等奉全身于圭峯二月十三日茶毗初得舍利數十粒明白潤大後門人泣而求諸煨中必得而歸今悉斂而藏于石室其無緣之悲可知矣俗歲六十二僧臘三十四遺戒深明形質不可以久駐而真靈永劫以長存乃知化者無常存者是我死後舉施蟲犬焚其骨而散之勿慕勿塔勿悲慕以亂禪觀每清明上山必講道七日而後去其餘住持法行皆有儀則違者非我弟子今皇帝再闡真宗追賜定慧禪師青蓮之塔則塔不可以不建石不可以不整且使其教自爲一宗而學者有所標仰也門人達者甚衆皆明如來知見而善說法要或岩穴而息念或都會而傳教或斷臂以酬德或白衣以論迹其餘一體

鄂縣縣志

卷七

金石

五

而悟道終身而守護者僧尼四衆數千百人得其氏族道行可傳於後者紀于別傳休與大師於法爲昆仲於義爲交友於恩爲善知識於教爲內外護故得詳而敘之他人則不詳銘曰如來知見大事因緣祖相承燈燈相然分光並照顯說密傳摧邪破魔證聖登賢漸之者入頓之者全執紹執興圭峯在焉甚大慈悲不捨週旋以行以翼恐迷恐顛直示心宗傍羅義筌廣收遺取無棄無捐金湯魔城株杌情田銷竭芟伐大道坦然功高學場會盛法筵不染而住於泥青蓮性無去來運有推遷順世而歎衆生可憐風號 夜川 而去溺者誰前岩崖荆棘阻絕危懸錫而過踏者誰肩不有極慈孰能後先吾師何處復建橋船法指一靈徒餘三千無負法恩永以乾乾

故柔公法師塔銘

此石存什王村勝光寺

公諱義柔本弘州永寧縣獨山村人也俗姓張氏十三歲甫出家禮感聖院僧德圓爲師年二十三普渡受具居數載喟然歎曰爲僧不達教典如何杜門不出乃振錫

西遊郡縣名利靡不經歷大定癸未春來于是院遂居焉公賦性質樸有古人之風嘗精究華嚴故俗謂之華嚴法師罄已之有並充常住衣孟篋篋一無所取與院宰元公同力修建大願未酬而世緣已謝忽一日無疾而終是夜有紅光感應子之瑞焉時明昌四年七月十一日也享年七十有四敢據其實而爲之銘曰
彼美柔公遊方自東薄惡今俗朴還古風華嚴妙典刻意研窮玄談至理深務精通立志高潔匪衆齊列身同孤雲行同皎月來兮雲生去兮漚滅清夜寂寥紅光暉映異瑞嘉祥應斯靡常骨與塵化高名遠揚

金泰和癸亥孟秋晦日大覺禪院主僧祖元立石

古幽鄉貢進士張希仲撰文並書

大金京兆府鄂縣重雲山長興寺故遵公法師塔銘

蓋聞佛日圓明豈榮光而比並法雷震擊非布鼓以同倫幸有空門梁棟 梯航若非贊揚孰爲歸仰今有重雲菴法諱普遊醴泉人也俗姓張氏自童歲出家禮

鄂縣縣志

卷七

金石

六

本寺頤和尚爲師至二十五于宋建炎二年七月二十三日落髮受具師德行孤高自幼至終未常有破戒之愆真佛子心也重雲古刹屋宇荒蕪師舍衣孟一新如舊而師天性純和常懷二利其於經論無所不通在圓覺禪定天性之宗深得其理遊歷諸方屢爲上座至七旬之後常謂法乳門人等曰吾幼質非堅預料年月日時乃吾寂滅之際而於本院未辦勝因乃與同力遂竭力而幹至大定十四年夏季夏忽染小疾于七月二十九日寂然而逝時享年七十三僧夏四十八有法乳等哀啼捧師靈柩當寢閣之前時值炎暑停經七日而色澤如故蠅蚋聞之自然遠退此師戒行力也緇素哀送者千有餘人闐溢鄂郊當茶毗之際遂於西北忽有微風祥雲而起縹緲于火焰之中逾時而罷人人競獲舍利者莫知其數間有得戒珠大如朱櫻者晶明可愛人皆寶之今有師弟資公戒師及小師善隆等奉師遺骨起塔塔波於重雲關者乃直書其實以爲銘曰
大哉佛子割愛辭親處心孤潔離垢出塵經論既通性宗深究住旃檀林作獅子吼